


滿堂外支農精

齋一百零十卷
齋一百零十八

弟八十又九

清季外交史料

附索引及西巡大記事



中華民國十二年一月初版

總發行人王希隱

北平迺酒茲府關東東七號

版權所有翻印必究

清季外交史料卷一百六十七

光緒二十八年十月至十一月上

目錄

商約大臣盛宣懷致外部丹英兩公司借線合同已訂妥乞示電初

三日

外部致張之洞已覆德法兩使聲明中國自主之權不能讓與他國

電初三日

滬道袁樹勛呈外部蒲參贊言賠款事當答以照約還四百五十兆

兩零票分算電初三日

署直督袁世凱致外部報黃新莊支路限期完竣電初四日

盛京將軍增祺奏奉省所駐俄兵現一律撤退摺初四日

商約大臣盛宣懷致外部福公司請修懷浦鐵路當執定互得利益

和商電初八日

外部致胡惟德交還遼河事請向俄政府婉商電初九日

使俄胡惟德致外部俄設關江省邊境我國應仿辦電十一日

日使小田切等致商約大臣呂盛開送商約要旨說帖十二日

商約大臣呂海寰致外部美日兩使不肯俟伍使到後方議商約電

十五日

魯撫周馥致外部開平礦局擬在德州設棧存煤電十六日

外部奏閩省鼓浪嶼議作公共租界未便兼護廈門摺二十二日

商約大臣盛宣懷致外部改定電線展限續約全文電二十二日

外部致周馥開平礦局在德州設棧須令華人經理電二十二日
盛京將軍增祺致袁世凱派隊出關商俄使再開拔電二十二日
外部致岑春煊曾濟公司開採川礦如何與議希覆電二十二日
外部奏中俄陸路電線相接議訂展限條約摺附續約二十四日
外部致呂海寰濱海行輪行之有年現籌辦法二端電二十七日
商約大臣盛宣懷致外部中俄接線合同請核准文二十七日
外部奏中俄陸路電線相接續議展限條約遵旨畫押摺十一月初一
外部奏韓國元山埠華商日增請設副領事摺初一日
盛京將軍增祺奏俄員擬將盛京宮殿先行交還摺初一日
外部奏請飭長順婉詞駁阻俄員在吉林租地摺初一日

商約大臣盛宣懷致外部大東北代辦京津沽電線已收回電

初四日

川督岑春煊致外部與英領商議礦務合同另添兩條以保利益電

初六日

魯撫周馥致外部聞俄擬商中國代收西伯利亞鐵路稅乞勿允電

初十日

外部致盛宣懷奉旨伍廷芳會辦商務大臣電

初十日

代辦國中正等事務出發

二十日

特諭駐華公使開羅相國陳同興辦事處

二十二日

盛京派軍督辦海防甘照熙奏請開辟渤海再開海門二十日

長江巡視各關外事務委辦人葉寧諭

二十一日

清季外交史料卷一百六十七

黃巖弢夫王彥威輯

男希隱亮編

孫孝章敬立校

商約大臣盛宣懷致外部丹英兩公司借線合同已訂

妥乞示電

中俄接線展限續約已繕好查光緒十八年接線條約李中堂與喀希尼畫押二十二年二十四年續約係總署畫押三月內已鈔送此次各須貴部畫押請速電覆當將漢洋文繕本齎送丹英兩公司借線合同均已訂妥只須候英電商局便可與該公司畫押擬趕呈請貴部批定

宣懷已將庚子年籌款由大東北代造海線及京津電線以通要報現
議借線方能收回代造京津之線各緣由奏明在案此次畫押請貴部
代奏以歸簡捷乞電示十月初三日

外部致張之洞已覆德法兩使聲明中國自主之權不
能讓與他國電

上海撤兵事本部初次照覆德法兩使已電聞旋照遵處覆德使肅電
之意又經詳細聲明中國獨立自主之權均不能讓與他國事事統論
全局並非專指長江一帶等語德使覆稱已轉達政府此次電覆具見
盡慮周詳本部前此照覆文內大致亦已賅括似可不再贅敍英使於
此事屢來詰問當將情形告知彼已電其政府得覆再達十月初三日

滬道袁樹勛呈外部蒲參贊言賠款事當答以照約還

四百五十兆兩零票分算電

零票遵商銀行蒲參贊據云按應得賠款之國各立一票所載還數如德應馬克法應佛郎等語明係暗含索鑄故技當答以中國祇能照約還足四百五十兆兩零票應照此分算蒲參贊謂須轉商各銀行董事立票送簽俟送到核明再稟十月初三日

署直督袁世凱致外部報黃新莊支路限期完竣電

旨飭造黃新莊支路限六箇月完工等因當即委道員王仁寶承辦土工限凍前完工華工程司詹天佑承辦料工限來年二月完工並飭楊士琦核實勘估頃據估定需款六十萬目下尅日興工請速發款以應

急需云云當覆以用款先由各局所湊挪候凱回津再行籌撥務當如限完工毋得延誤等因請先奏達十月初四日

盛京將軍增祺奏奉省所駐俄兵現一律撤退摺

盛京將軍增祺奏爲奉省西南段至遼河所駐俄兵現均一律撤退並接收各情形事竊奴才前自山海關回省路過錦州府據副都統秀昌面稱該城於八月二十五日交出俄兵業已撤退曾經奏明在案此次俄約所載奉省西南段至遼河其間爲新民錦州兩府屬地僅東南附近營口一隅爲海城縣西境先於八月初一日據俄武員照稱俄軍須行撤退其所佔房屋須由華員接收當經派員按段點驗茲據陸續稟報錦州府城及高橋鎮之兵於九月初四日退盡將火車站一切交還

新設鎮安縣屬曹山子之兵於八月二十七日退盡廣寧縣溝幫子火車站之兵於九月初六日退盡新民府俄兵於九月初五日退盡寧遠州火車站俄兵於九月初二日退盡以上俄軍所交官民房屋均經各地方官隨時給予接收字樣又遼河西岸俄兵五處於九月初六日退盡營榆鐵路歷海城廣寧錦縣寧遠綏中五州縣境共有護站俄兵十七處自鐵路交收亦於九月初旬退盡現已分飭妥籌善後事宜惟營口一埠俄人訂明隨後交還理合隨後奏聞謹奏光緒二十七年十月初四日奉硃批知道了仍着督飭隨時認真巡緝毋稍疏懈以靖地方商約大臣盛宣懷致外部福公司請修懷浦鐵路當執定互得利益和商電

東電福公司請修懷浦鐵路亦願照正太辦法歸蘆漢訂立合同以期互得利益沙多十月杪由此回滬當與熟籌誠能互益不礙幹路有何不可惟正太係蘆漢枝路有益無損懷浦則錯綜前後橫直並行勢必有損在比法只要借款保還在中國恐本利無著自當執定互得利益四字斟酌和商屆時擬約哲美生來滬面議再請部示酌定十月初八日

外部致胡惟德交還遼河事請向俄政府婉商電

中俄訂約後初次交收遼河南段已如期接收惟聞未撤兵地方俄武官動輒干預不受商量至鐵路兩旁界限多有侵越希即向俄政府婉商計開三端如下一第一期地方已交還第二三期各地方亦必如期交付惟俄兵未退以前各武官不得干預華官內政並准中國添兵

足敷勦匪之用一營口本允於第一期內提前交還現已逾期請早交以踐前言一東三省電線係中國商辦應并交還東省俄兵未撤以前俄發軍營電報自必先儘發遞並不索費於俄亦便希俄外部切商允行並諭駐東武官照辦又廿二年東省鐵路合同第十條貨物經此鐵路由俄運中由中運俄照各國通商稅則納進出口正稅運往內地納子口稅中國在此鐵路交界兩處各設稅關等語目下鐵路暢行俄商運貨絡繹應即由中國設關徵稅望照約與之妥商一并電復

十月九日

使俄胡惟德致外部俄設關江省邊境我國應仿辦電俄主赴黑海十二月初二日歸電示三端切商部員伊約十日答覆至設關一節據二十二年合同及本年約款第一條地方歸我治理之語

本我自有之權現江省邊境俄已設關自應仿辦此事雷使如未議及似可一面設關一面知照倘有異言再據約辯論現商外部函電往返需時且恐有意梗阻雷如議及伊必電政府仍應先商外部候酌裁示
遵十月十一日

日使小田切等致商約大臣呂盛開送商約要旨說帖

一查中英條約第八款第二節載洋貨於進口時除光緒二十七年所訂和約內載進口貨稅增至切實值百抽五外再加一額外稅照和約所定之稅加一倍半之數以抵裁撤釐金子口稅及洋貨各項稅捐等語惟該一倍半添加之稅未免過重仍以照進口正稅加抽一倍之數爲妥查向來中國所抽洋貨進口稅其實未逾估價值百抽一

三餘之數祇爲賠款起見加至估價值百抽五今無幾日若加至十二五之數則洋貨進口稅俄增至原先所抽之進口稅四倍之數假使裁撤釐金一事於中外貿易大有裨益如此變動急激未免貿易爲之受困且中日通商貿易尙未大旺深恐因此致受挫折又第八款第二節凡經陸路邊界運入中國之貨一律徵收此項加稅之語然此節恐俄法兩國不允照辦北京議約之時彼兩國之舉措可知矣故進口貨添加之稅止與進口正稅同數即定以一倍爲妥二查中英條約第八款進口煤亦應納一倍半之添加稅惟煤係專在中國通商口岸及其附近之地銷用蓋因其重數過大未便深運內地現在已然將來亦無不然今令其納一倍半之添加稅以抵裁撤

釐金之缺陷事屬不當是以煤一項應只徵進口正稅概免添加之稅以歸妥正

三查中英條約第八條第三節載土貨在於內地由此處運彼處自產處起運到內地第一常關應照海關稅則徵收第七節所載之出口加稅等語惟此項稅額比之洋貨進口稅添加之數未免過少且應納此項稅額之貨內除出口貨外亦有許多內地銷用之貨故中國政府倘欲徵抽此出口加稅更多之稅儘可任便加抽而並無大礙且中國若以爲前二項所失應設法籌補則將此項稅額增至值百抽五亦可

四查中英條約第八款第七節載絲斤一項無論手繅或機器繩絲所

徵出口正稅之總數總不得逾估價按包值百抽五之數等語該節
又載若蠶繭經過常關則須免抽各項之稅等語惟此二項均係製
造之材料與棉花等毫無別異斷無須另眼相待該節應該削除
五查中英條約第八款第九節載各該機器廠所用之棉花若係外洋
載來者應將已完進口正稅全數及進口加稅三分之二發還所用
者若係土產棉花須將已徵之各稅及銷場稅全數一併發還等語
惟因此在中國之紡織各業受惠甚深日本紡織各業爲之喫虧不
淺且一面已向洋貨加稅若一面如此過底一邊未免懸隔太甚是以
此節應削除之或將中國運出外洋棉花出口稅及一切各項稅
捐概予免徵以勻輕重